

ՎԵՐԱՕԾՎԵՑ ԿՈՏԱՅՔԻ ՄԱՐԶԻ ԱՌԻՆՁ ԳՅՈՒՂԻ Ս. ՀՈՎՀԱՆՆԵՍ ԵԿԵՂԵՑԻՆ

Հուլիսի 7-ին Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի օրհնությամբ և ձեռամբ Կոտայքի թեմի առաջնորդ Ս. Առաքել եպիսկոպոս Քարամյանի և մասնակցությամբ Մայր Աթոռ Սուրբ Էջմիածնի միաբան Ս. Ներսես արքեպիսկոպոս Պոգոսյանի ու Կոտայքի թեմի հոգևոր դասի վերածվեց Առինջ գյուղի Ս. Հովհաննես եկեղեցին: Օրվա պատարագիչն էր Առաքել եպիսկոպոս Քարամյանը:

Ս. Հովհաննես Մկրտիչ եկեղեցին խորհրդային իշխանության տարիներին վերածվել էր պահեստի և զգալիորեն վնասվել. պատերը սվաղվել էին կրով, սալահատակը և պատերի սրբատաշ հատվածները՝ վնասվել: Հետագայում կառուցվել է նոր պահեստ, եկեղեցին դատարկվել է և անուշադրության մատնվել: Ձնհալից և անձրևներից եկեղեցու հիմքերն ու սրահը ողողվում էին ջրով, որի հետևանքով այն հայտնվել էր վթարային վիճակում:

2006 թ. պոլսահայ բարերար Մկրտիչ Մերթշիմշեֆն այցելեց Ս. Հովհաննես Մկրտիչ եկեղեցի և հանձն առավ եկեղեցու վերանորոգությունը: Եկեղեցու վերանորոգմանը իրենց նպաստն են բերել նաև պոլսահայ բարերարներ Պետրոս Շիրինոյլուն, Կ. Պոլսի Բերայի Ս. Երրորդություն եկեղեցու թաղային խորհուրդը՝ զվսավորությամբ Աբիգ Հայրապետյանի, Առինջի գյուղապետ Գագիկ Սարգսյանը, Առինջի բնակիչ, գործարար Գեղամ Ջանվեյանը և այլք:

«Միրելի ժողովուրդ, այս եկեղեցին քարեղեն կառույց է, բայց որպեսզի այն վերածենք հոգևոր կառույցի, Աստծու տանն անհրաժեշտ է, որ մեր ամենօրյա այցելությամբ, աղոթքով այս քարերին կենդանություն պարզենք»,- օծումից հետո իր շնորհավորական խոսքում շեշտեց առաջնորդ Սրբազան Հայրը:

Եկեղեցու օծման արարողությանը մասնակցում էին բարերար Մկրտիչ Մերթշիմշեֆը, ՀՀ կառավարության, մարզային ու քաղաքային իշխանության ներկայացուցիչներ:

ԿՈՏԱՅՔԻ ԹԵՄԻ ԼՐԱՏՎԱԿԱՆ ԲԱԺԻՆ